

十年。不得不先行諭知。各該夷商尚知感畏。浮言遂息。因飭海運局。將漕米趕緊兌運。裝竣一船。即押令一船出洋。駛赴崇明十激。現已兌過十分之七。薛煥又諭令各該夷領事。爾等公使到來。向皆彼此接見。此次莫往莫來。似非和好之道。以緩其勢。啖咪啞三夷。以容俟異日。定期接見答覆。惟俄夷遣員外郎明常。先至道署謁見。約期在公所與夷酋普提雅廷會晤。薛煥盛設儀從。如期而往。該夷放礮鼓樂迎送。甚為恭順。所言皆係寒暄酬應之語。薛煥亦未便與之深談而散。至二十三日。啖夷領事囉啞帶同該國水師副將吵囉。參將勒噶。至蘇松太道署。投遞夷